

## VIJEĆNIČKA PITANJA I INICIJATIVE

Postavljena na 18. sjednici Općinskog Vijeća Stari Grad Sarajevo

1.	Ime i prezime vijećnika:	ANES KURTANOVIĆ
	Tekst pitanja/inicijative	<p>Podnosim inicijativu za postavljanje rasvjete u ulici Hambina Carina MZ Širokača. Tačna lokacija kod kombi stanice, na račvanju puta prema Trebeviću s jedne i Nadlipama s druge strane. Budžetom je predviđeno 25.000 KM za ove namjene, od kojih do sada ni jedna jedina marka nije uložena.</p>
	Obrazloženje pitanja/inicijative:	<p>Mještani ulice Hambina Carina su se obratili sa molbom za postavljanje rasvjete na gore navedenom lokalitetu. Osnovni razlog jeste što je taj dio puta izuzetno mračan te se okupljaju alkoholičari i narkomani. Drugi razlog jeste što u ljetnom periodu dosta turista navečer ide na Trebević ili silazi sa Trebevića te smatramo da naša Općina, kao Općina koju posjeti najveći broj turista u toku godine, ne smije sebi da dozvoli, da taj dio puta bude u apsolutnom mraku. Molim Vas za pozitivan odgovor i da se što prije riješi problem mještana ove ulice.</p>
Odgovor:	<p>Navodi izneseni u predmetnoj vijećničkoj inicijativi su neutemeljeni i netačni. Naime, za radove na izgradnji i održavanju javne rasvjete je u toku ove godine uloženo cca 20.000,00 KM iz budžetskih sredstava Općine Stari Grad Sarajevo.</p> <p>Početak godine je uspješno okončan projekat izgradnje javne rasvjete u naselju Lapišnica, ukupne vrijednosti 12.636,63 KM. Nakon toga, u toku godine je za pojedinačne intervencije na javnoj rasvijeti na više lokaliteta utrošeno 6.311,24 KM. Osim navedenog, izvršeno je i izmiještanje stubova javne rasvjete za potrebe izvođenja radova sanacije ili rekonstrukcije cesta, što je u nekoliko slučajeva finansiralo nadležno Ministarstvo, dok je Općina morala finansirati radove u ukupnoj vrijednosti 662,80 KM.</p> <p>Na lokaciji za koju podnosite inicijativu, preciznije u ulici Hambina carina kod broja 9, je planirana izgradnja novog stuba ulične rasvjete u sklopu Projekta javne rasvjete u Općini Stari Grad Sarajevo na području 5 mjesnih zajednica, koji je u proteklom periodu izrađen od strane projektne kuće Manedra-company d.o.o. Mostar. Ovim projektom je</p>	

*AS*

		obuhvaćeno 26 prioriternih lokacija na teritoriji Općine, te data procjena koštanja svih potrebnih radova u vrijednosti 68.332,38 KM, što značajno prevazilazi sredstva iz budžeta Općine predviđena za ovu namjenu u tekućoj godini.
	Odgovor dala:	Služba za investicije i komunalne poslove

**VIJEĆNIČKO PITANJE I INICIJATIVA**

Postavljeno na 18. sjednici Općinskog vijeća Stari Grad Sarajevo

1.	Ime i prezime vijećnika:	Anes Kurtanović
	Tekst pitanja/inicijative	“Podnosim inicijativu za rekonstrukciju preostalog dijela toaleta OŠ Hamdija Kreševljaković na Vratniku”
	Obrazloženje pitanja/inicijative:	“Iz OŠ Hamdija Kreševljaković na Vratniku mi je stigla molba za rekonstrukciju dijela toaleta u gore navedenoj školi. Naime, jedan dio školskih toaleta jeste rekonstruisan, a drugi dio je u katastrofalnom stanju. Molim Vas u ime onih koji pohađaju ovu osnovnu školu, a to su naši najmlađi, djeca, te u ime onih koji rade i školuju našu djecu da se u što kraćem vremenskom periodu izvrši rekonstrukcija preostalog dijela toaleta. U prilogu ću Vam dostaviti slike kao dokaz gore navedenog.”
	Odgovor:	Cijeneci da Općinski načelnik kontinuirano pruža podršku svim osnovnim školama na teritoriji Općine Stari Grad Sarajevo, te da je većina toaleta u OŠ Hamdije Kreševljakovića sanirana upravo kroz projekat finansiran od strane Općine, planirat će se sredstva u Budžetu za 2023. godinu, u svrhu sanacije preostalih toaleta u navedenoj školi.
Odgovor dala:	Služba za obrazovanje, kulturu i sport	

Stručna obrada:

Služba za obrazovanje, kulturu i sport

